

Protocol no. 33
Sezzüda da mardi, 28 avuost 2012, 13.00 – 16.30

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann ed Angelo Andina (protocol)

250 012 EXECUTIVA
Manader tecnic, elecziun

Elet vain unanim *Christian Poo*, nat als 27.05.1979, vaschin da Sent e domicilià a Sent. El ha ün temp da desditta da trais mais, uschè ch'el vain impiegà a partir dals 1. december 2012.

251 021 FABRICA
Chasper Alexander Felix; serrar la lobia, parcella nr. 405

Ingrondir las stanzas existentas e tour a nüz la lobia dal 1. plan suot terra vers süd. Per quel scopo serrar la lobia cul gistess aspet (fanestras) sco'ls plans sura. Il proget d'eira publichà dals 08.08 fin als 28.08.2012.

252 021 FABRICA
Georg Salomon, dumonda da fabrica dadour la zona (BAB), parcella nr. 920

Georg Salomon inoltrescha ils formulars necessaris (BAB) per ün bavun da sia paracella no. 920, coordinatas 819993/188537 in Chomp Senda. Il Cussagl decida, dad inviar la documainta cun arcumandaziun positiva a l'uffizi pel svilup dal territori dal chantun Grischun.

253 021 FABRICA
Esther Oes, Harald Schär; studio plan terrain, parcella no. 610

Müdamaint dal plan terrain dal proget da la chasa nouva. Integraziun d'infrastructura per abitar, Quist müdamaint dal scopo pretenda üna plazza da parcar implü. Quella es indichada sül plan davant la garascha i'l nord-vest da la chasa cun "PP3".

254 021 FABRICA
Barbla Buchli, renovaziun dal tet, parcella 255, Avant Baslegia

Renovaziun dal tet, lucarna nouva vers vest. Il tet nu vain isolà. Müdar oura duos fanestras i'l plan terrain vers vest. Il proget d'eira publichà dals 08.08. fin als 28.08.2012.

255 021 FABRICA
Men Festa Schmidt; isolar il mür chasa nr. 273, parcella nr. 33

Isolar il mür i'l nord vest da la chasa nr. 33 sün üna lunghezza da 6 meters. Isolaziun cun plattas mineralas per evitar dschetas da la lingia dad aua.

257

DIVERSAS SCHEFS

1. Pro Senectute; cumgià dal pêrin d'assistenza

Als 05 december 2012 a las 16.30 daja üna cumgià dal pêrin d'assistenza da la Pro Senectute regiunala Ursula e Reto Pedotti chi van in pensiun. Quai i'l hotel Filli a Scuol. Davart dal cumün da Sent piglia part ufficialmaing il capo.

258

ORIENTAZIUNS

- Men Caviezel renda attent, cha l'aua da l'implant da sauaziun gnïa serrada gio als 3 settember 2012. Ils pertocs sun gnüts orientats persunalmaing
- Als 12 settember 2012 ha lö la radunanza generala dals Uniuns dals Grischs; a las 20.30 i'l hotel Uors. Davart dal cumün piglia part Marianne Werro.
- In lündeschdi, 10 settember 2012 a las 20.15 ha lö in sala cumünala ün aperitiv ed üna saira d'infuormaziun per l'eivna dal cuors "a Sent be rumantsch".

l'actuar ad hoc:

